



**Rev. Patr. Joannis Laurentii Berti, Ord. Eremit. S.
Augustini, Theologia Historico-Dogmatico-Scholastica,
Seu Libri, De Theologicis Disciplinis**

Berti, Giovanni Lorenzo

Monachii [u.a.], 1749

Caput VI. Denegandum non esse Trinitatis Mysterium, quod illud humana
ratio capere nequeat; nec dogma Catholicorum seipsum evertere.

[urn:nbn:de:hbz:466:1-83642](#)

quæ doctrinæ, non tanquam Divinus, & Canonicus commendari. Sed quoniam sunt, qui hujus libri Visiones, quæ præcipuum occupant partem, putant pias fraudes à prudentioribus spernendas; & perierunt insuper Greca exemplaria, si excipias fragmenta quædam è Veteribus collecta; nescio quo loco Hermam habituri sint Unitarii.

^{8.}
Confirmatio
ulterior.
Hi sunt ergo antiqui Patres, quorum auctoritatem plures pro Fide Trinitatis producunt. Quibus connumerandus venit Sanctus Zeno Episcopus Veronensis. Huic plures attribuuntur Conclaves edita à Guarino an. 1508. & postea Bibliothecæ Patrum insertæ. Non sunt tamen genuinus Zenonis fœtus; primo, quoniam in martyrium passus est sub Callieni imperio, sive, ut aliquibus placet, sub Juliano Apostata, & nihilominus Conclavem v. perstringit data opera haeresim Arianam longa post tempora exortam, si tamen sub Gallieno occubuit, ut sententia fert probalior. Deinde in Conclavione de Continentia

enumerat plusquam quadringentos annos, ex quo Paulus suam ad Romanos dedit Epistolam; & consequenter quanto tantum Ecclesiæ seculo floruit harum Conclavium Collector. Denique observatum est à viris doctis Conclaves istas ex variis de promptas esse Auctoriibus: nam quatuor integræ sunt Basili, plures Hilarii, nonnullæ desumptæ absque delectu ex Græcis, Latinisque Scriptoribus. Quapropter non sunt beati Zenonis scripta pro certissimo antiquitatis monumento proferenda. Sunt ergo Theologis, dum à Traditione petunt argumenta, Opera supposita & spuria à legitimis secernenda: & ubi lapsi sunt Scholastici, ne horum lectione decipiatur Tyrone, jure illos commonefacio. Quamquam etiam apocryphi libri, si tamen antiqui sint, nec interpolati probentur, produci possunt ad demonstrandam Traditionem, quæ vigebat in Ecclesia eo tempore, quo fuerunt conscripti, non ita tamen, ut à Patribus, quorum nomen præseferunt, accipere videantur auctoritatem.

C A P U T VI.

Denegandum non esse Trinitatis Mysterium, quod illud humana ratio capere nequeat; nec dogma Catholicorum seipsum evertere.

S U M M A R I U M.

1. Argumentum haeticorum.
2. Solutio eiusdem,
- à n. 3. usque ad n. 27. proponitur altercatio

Sociniani, & Catholicæ, ubi ultimus per contrariorum solutionem plenam obtinet viatoriam.

^{1.}
Obiectiones
Haeticorum circa
Trinitatis
Mysterium.

^{2.}
Objectio I.
humana ratio illud capere non potest.

JAM nos haeticæ ad humanam provocant philosophiam. Opponunt primo credendum non esse quidquid in animo parit dubitationem, nec ullum esse tam sublime mysterium, ut ab ejus scrutatione ac probatione sit abhorrendum. Quod inferunt primo ex Apostolo 1. ad Thessalonici. v. 21. ubi monet ut probemus omnia, & quod bonum est retineamus. Ad haec, inquiunt modum indagandi veritatem dogmatis alicujus esse solam Scripturam, ad quam, velut ad Lydium lapidem religionis exigendæ sunt controversiæ: neque ad Christianam fidem pertinere, quidquid humana ratione non constat in Sacro textu aut expressis literis contineri, aut hinc deduci per legitimam consequentiam. Addunt hanc vocem *Mysterii* inani terriculamento rude & inconditum vulgus absterrere ne persequatur veritatem. De unaquaquere, qua cadit sub examen, duo queri, An sit, & Quo-

modo sit; & res esse innumeræ, de quibus sciri potest, & re ipsa constat vere existere, licet quomodo sint humanam fugiat scientiam. Has duas quæstiones, perinde ac in aliis rebus, in dogmate occurrere Trinitatis. Mysterium, inquit, est quando ignoratur: sed non est ulla ratione prohibendum, ne inquiratur, an sit? Hæc quæstio est solidis & irrefragabilibus argumentis resoluta, & objectiones justis & idoneis rationibus sunt refellendæ, ut quisque erudiatur in fide; neque Religionis capita simpliciter, & absque probatione debent obtrudi. Si ergo ratione non constat esse Trinitatem, non est credenda.

Refp. non esse quidem cæco modo credendum quidquid nobis proponitur; esse tamen, ubi constat de vetitate revelationis, sive in sacris expressæ literis, sive per manus tradite, rationem fidei subjiciendam: neque temere scruta-

^{2.}
Solutio.

R. P. Berti Theol. Tom. II.

D 2

tandas

tandas rerum divinarum causas, quæ mentis nostræ conatum superexcedunt. Quod monet Apostolus in 2. ad Corinth. x. 5. dum hortatur, ut simus *in captivitatem redigentes omnem intellectum in obsequium Christi*. Salubriter vero idem Apostolus præcipit, ut omnia probantes teneamus quod bonum, & verum est, scilicet, ne credamus cuique spiritui, atque ne iis assentiamur, qui se Prophetas dicitant, docentes falsas doctrinas: ut etiam ait in 1. Epist. cap. 4. Joannes, scribens: *Charissimi, nolite omni spiritui credere, sed probate spiritus si ex Deo sint: quoniam multi Pseudoprophetae exierunt in mundum.* Demus quæsio, solam Scripturam esse Lydium lapidem, normamque unicam pro controversiis fidei dirimendis, (quod constantissime falso esse contendimus); quare nos Sociniani philosophicis argumentis aggrediuntur? quare Fidei capita denegant, quod videantur humanam superare rationem? Teneamus hanc regulam; & Scripturis Deum unicum annuntiantibus, & Patrem, Filium, & Spiritum Sanctum prædicantibus captivetur infirmæ mentis obsequium. Nam quod verbis literarum Sanctorum inextricabiles necantur cavillationes, facit ingenioli nostri audacia. Aut Scripturam insinuare manifesto Trinitatem putandum est, aut subobscurus vocabulis. Si manifesto, quid certamus syllogismis? si obfusitate aliqua terminorum, cur mysteria volumus ratione comprehendere? At hoc Trinitatis arcum clarissime in novo præsertim Testamento revelatum, firmissima confessione clamamus. Quod si proponeretur obscurius, hic æque ac in aliis, non ad humanae rationis recurrentum esset judicium, sed ad magistrum veritatis Ecclesiam: alias si humane penitanda sunt omnia, neque erit Divina revelatio prima ratio credendi, neque Fides, quæ vincit mundum, Græcorum sublimior philosophia. Interim quomodo hæretici indagandi veritatem modum teneant, videant ipsi. Duo illa quæstionum genera, an sit, & quomodo sit res aliqua, & nos distinguimus: sed quando de prima certi sumus, negamus ratione esse alteram investigandam. Si enim de rebus ante oculos positis saepenumero nequimus reddere causam, & in explicanda E. G. motus & extensio-
nis natura tantæ occurrent difficultates; quantæ insurgant necesse est Divina rati-
onibus? Dicant Unitarii, qui Deum in remotissima, cœli parte putant ab-
scondi, & fatentur omniscium, quo-

modo de tam loginquo intimas scrute-
tur cogitationes? Exponant quomodo animal ab animali generetur, & ingens è minutissimo semine crescat arbor? Narrent nobis conceptionis Virginis ar-
canum, resurrectionis modum, mundi productionem ex nihilo. Si hec omnia se nescire scribunt Sociniani in altero Tomo Wolzogenii pag. 310. quare ergo ea credunt, si moni in altero Tomo Wolzogeni pag. 310. quare ergo ea credunt, si modum ignorant? Credimus, inquit, quia certi sumus de priori quæstione, etiamsi non capiatur secunda. Et nos credimus Trinitatem, quoniam certi sumus existere, quæ est prima quæstio; tametsi non percipi-
mus quomodo consistat unitas substantiæ cum pluralitate personæ, quæ est quæstio altera. At inquit hæreticus, non est ergo Trinitas mysterium, nisi eo paço, quo mysteria sunt res innume-
rables quæ sunt in mundo, quarum novimus existentiam, sed modum nescimus? Etiam, mi Sophista; nam harum rerum existentiam sci-
mus naturaliter vel sensu, vel discursu; sed existere in divinitate tres per-
sonas nequaquam naturaliter notum est; sed supernaturali revelatione. Atque in hoc sita est natura mysterii, quod nec etiam priorem quæstionem, An sit, quisquam sciat, nisi Deus re-
velasset. Potius, inquis, culpandi erant defensores Trinitatis, qui non modo docent Deum unum, & Trinum esse, verum etiam modum, quo id fiat, in specie determinant, nimurum Patrem generare & concipere Filium contem-
plando seipsum, & ab utriusque voluntate æternam manare Spiritus Sancti processionem. Verum neque omnes Theologi id statuunt ac definit, quibus & nos consentimus: & si plurimi discrimen illud probant generationis, & processionis, ducuntur argumentis, quæ suppeditare videtur ratio imaginis, & amoris, quam in Deo reperiri non decernunt ipsi audacter, sed à Deo re-
velante acceperunt. Quid ergo? cre-
dimus absque ratione? Minime; quoniam ratio ipsa suadet, Divina esse in-
tellectu nostro sublimiora, & non Fidei rationi, sed rationem Fidei esse acco-
modandam. Attamen, cum ea, quæ evertunt se, falsa sint; nec possint consequenter à Deo revelari; videamus oportet quomodo probent Adversarii Trinitatem esse philosophiae ac rationi contrariam: siquidem rationem omnia naturalem excedere ultro concedimus.

ALTER-

ALTERCATIO SOCINIANI,
ET CATHOLICI.

^{3.}
ALTERCATIO
SOCINIANI
ET CATHOLICI.
SOCINIANUS. Dogma Trinitatis seipsum evertit, quia ex eo sequitur unum tantum esse Deum, & simul quoque tres Deos esse. Unum tantum Deum esse, ore palam Catholici profertur, tres autem Deos esse fateri nolunt, sed vis tamen haec inept verbis eorum, cum dicunt tres esse distinctas Personas, quarum qualibet sit Deus.
^{*Filius est} ^{Nimirum} Pater est Deus, Spiritus Sanctus est Deus. Ergo tres sunt distincti Dii. Quod facile intelligitur ab unoquoque, qui modo tria numerare non dedidicit. Cum enim Trinitarii, quando volunt probare in Deo esse tres distinctas personas, ita argumentari soleant, Pater est persona Divina, Filius est Persona Divina, Spiritus Sanctus est Persona Divina, Ergo tres sunt personae Divinæ, quia scilicet tres numerantur; utique pari jure concluderelicebit: Pater est Deus summus, Filius est Deus summus, Spiritus Sanctus est Deus summus; Ergo tres sunt Dii summi. Si urgeremus exempla à rebus creatis petitæ: Petrus est homo, Paulus est homo, Joannes est homo, Ergo tres sunt homines: Vel, Michael est Angelus, Gabriel est Angelus, Raphael est Angelus; Ergo tres sunt Angeli, si, inquam, haec urgeremus exempla, exclamarent Adversarii, aliter se rem haberi in creaturis, aliter in Deo. At nunc cum divinarum personarum exemplo utimur, quid sunt dicturi?

^{4.}
SOLUTIO CA-
THOLICI.
CATHOLICUS. Non consequitur tres esse summos Deos ex quo singulæ tres Personæ Deus sint, cum unam habeant, eamdemque naturam. Quod ut percipiæ lumine Scripturarum Sanctarum, Deus spectari potest dupliciter, quantum ad Essentiam, nempe summam perfectissimamque naturam, & quantum ad substantiæ modum, in quo ratio personæ consitit. Ergo dum dicas, *Deus est Pater*, intelligis Deum habere excellentissimam illam substantiam cum modo subsistendi sibi proprio, quem appellamus Paternitatem. Et cum repetitis *Deus est Filius*, dicas Filium habere illam eandem substantiam cum sua hypostasi, quam vocamus Filiationem. Idem de Spiritu Sancto dicendum est. Sophisma igitur præfatum sic solvitur. Pater est Deus, id est habet Divinam substantiam cum personalitate Filii, Spiritus Sanctus est Deus, id est habet eamdem Divinam substantiam cum personalitate Spiritus Sancti. Ergo triplex est in eadem Divina substantia Personalitas:

quæ illatio & vera est, & legitima. Neque valet paritas de trina personalitate; quandoquidem alterum Sophisma parti ratione exponendum est: Pater est Persona, id est Divina substantia non accepta indefinite, sed cum modo existendi, qui est *Paternitas*, Filius est persona, id est Divina substantia, non accepta indefinite, sed cum modo existendi, qui est *Filiatio*, Spiritus Sanctus est persona, id est Divina substantia non accepta indefinite, sed cum modo existendi, qui est *Spiratio passiva*: Ergo sunt tres modi existendi in una eademque substantia. Quæ pariter consequentia vera est & Catholica. Ex quibus sequitur falsum esse eadem ratione numerari Deum in priori syllogismo, & numerari Personam in altero; quoniam Deus numerari non potest ratione naturæ, quæ una est, sed ratione duntaxat modi existendi, qui triplex est. Provenit id ex conditione naturæ, ac personæ: quippe natura, quæ dicitur absolute, dividitur tantummodo propter limitationem a finitatem, ideoque natura infinita dividi nequit, aut numerari. At persona dividitur & numeratur propter relationem ad aliam, quam necessario connotat. Enimvero numerus & distinctio sive ex limitatione, sive ex ordine ad aliud, necesse est oriatur. Quare natura infinita numerari non potest, etiamsi numerari possint Personæ. Neque urget paritas ex numero Angelorum, vel hominum; quum in his multiplicetur natura ob priorem causam distinctionis, videlicet propter limitationem. Si enim natura humana, vel Angelica foret infinita, Petrus, Paulus, Joannes non essent tres homines, sed unus homo; & Michael, Gabriel, Raphael non essent tres Angeli, sed unus Angelus.

^{5.}
SOCIN. Quod dogma Trinitatis seipsum perimat, est, quia ex eo sequitur unam Personam esse aliam, nempe Sociniani Patrem esse Filium, & Spiritum Sanctum, & rursus Filium esse Patrem & Spiritum Sanctum; denique Spiritum Sanctum esse Patrem & Filium. Ita enim argumentari licet: Deus ille unus est Pater, Filius est Deus ille unus: Ergo Filius est Pater. Major propositio extat in Scriptura. Assumptio est Adversariorum sententiae consentanea, Conclusionem ergo negare non possunt. Similiter etiam de Spiritu Sancto concludi potest: Unus ille Deus est Pater, Spiritus Sanctus est ille unus Deus, Ergo Spiritus Sanctus est Pater. item: Unus ille Deus est Filius, Spiritus Sanctus est unus

unus ille Deus. Ergo Spiritus Sanctus est Filius. Atque haec collectiones aliter solvi nequeunt, nisi dicatur alium Deum esse Patrem, alium Filium, alium Spiritum Sanctum, adeoque tres distinctos Deos esse.

6.
Solutio Ca-
tholici.

CATH. Dicimus primo consecutiones illas si spectentur regulæ syllogismorum, quas Adversarii tanto rigore servare co[n]tantur, falsas esse, & collectiones horum argumentorum peccare, ut inquit, in forma. Quotiescumque enim præmissæ particulares sunt, ut in adductis syllogismis, argumentatio vitiosa est, & nihil concluditur, veluti si dicas, Petrus est homo, Paulus est homo, Ergo Petrus est Paulus. Secundo respondeo ut supra, Deus ille unus est Pater, si *Deus accipiat pro summa perfectissima* que natura, ut à Paternitate contrahitur ad unum modum existendi, concedo: si sumatur quatenus complectitur omnes existentiae suæ modos, nego. Hoc enim sensu Pater non est ille unus Deus, nisi simul comprehendantur Filius, & Spiritus Sanctus: sed ex adverso argumentari fas est: Deus ille unus est Pater, prout Deus est Divina substantia existens in supposito Patris, Filius non est Deus ille unus, prout Deus est Divina substantia existens supposito Patris, Ergo Filius non est Pater. Atque idem de reliquis dicendum est. Igitur ut collectiones prædictæ solvantur, sat est quod Pater, Filius, & Spiritus Sanctus in eadem simplicissima divinitate diversam habeant subsistendi rationem.

7.
Obiectio 3.
Sociniani.

SOCIN. Sequitur ex hac de Trinitate sententia, neque Patrem, neque Filium, neque Spiritum Sanctum esse unum illum verum Deum. Sic enim potest concludi: Unus ille verus Deus est Pater: Filius non est Pater, Ergo Filius non est Deus ille unus. Item: Unus ille verus Deus est Filius, Pater non est Filius. Ergo Pater non est ille verus Deus. Priorem conclusionem Trinitarii non admittent: posteriorem nullius Christiani hominis aures ferent.

8.
Solutio Ca-
tholici.

CATH. Eodem modo distinguo majorem: Unus ille verus Deus est Pater, quatenus Dei nomen importat Divinam substantiam, & unum duntaxat modum existendi, concedo: prout Dei nomen cum naturam, tum modum omnem, quo subsistit, complectitur, nego. Et dico probari tantum argumentatione præcedenti, Filius non esse illum summum Deum, prout concipiatur divinitas unica hypostasi terminata. Ita

enim valet ratiocinatio: Unus ille verus Deus est Pater, in quantum cum Deitate intelligitur relatio ad Filium, sine qua non est Pater: Filius ab ipso Patre distinguitur à Deitate, quatenus haec solummodo accipitur, prout refertur ad Filium. At Deitas sumpta duntaxat prout refertur ad Filium, non est natura, sed persona, quoniam sola persona dicitur relative: Ergo Filius distinguitur à Persona Divina Patris, non à substantia, & natura divinitatis.

9.
Objectio 4.
Sociniani.

SOCIN. Ex dogmate Trinitatis sequitur quilibet personam esse Trinam in personis. Ita enim argumentabor: Deus ille unus est Trinus in Personis. Quilibet persona divina est Deus ille unus. Ergo quilibet persona divina est tria in personis. Hanc conclusionem ipsi Trinitarii falsam esse agnoscunt; necesse igitur est vel maiorem, vel minorem propositionem falsam esse.

10.
Solutio Ca-
tholici.

CATH. Nego sequelam. Et ad probationem dicitur maiorem, ut supra: Deus ille unus est Trinus in personis, si Deus ille unus accipiat adequate, & prout omnem existendi modum complectitur, sive tam secundum id, quod dicit absolute quam secundum id, quod dicit connotative, concedo. Deus ille unus est Trinus in personis, si sumatur inadæquate, & prout divinitas ad unum subsistendi modum determinata est; seu secundum id, quod dicit absolute, at non secundum omne id quod importat connotative, nego maiorem propositionem.

11.
Objectio 5.
Sociniani.

SOCIN. Quæ sunt eadem realiter unius alicui rei, etiam inter se realiter sunt eadem. Atqui tres illæ personæ divinæ realiter inter se distinctæ realiter sunt idem unius cuiusdam rei, nempe essentiae divinæ. Ergo personæ illæ tres realiter inter se distinctæ, inter se realiter sunt eadem. Conclusio est falsissima, & sibi manifeste contradicit. Itaque oportet præmissarum aliquam falsam esse. At prima præmissarum, seu major propositio in dubium vocari non potest, quia omnibus nota nititur principio: *Quæ sunt eadem unius tertio, inter se sunt eadem.* Hinc ipsi Trinitarii hoc principio alibi utuntur, cum probari solent, attributa Divina non distingui realiter inter se, sed esse eadem, quia cum uno tertio, nempe cum Divina essentia sunt eadem. Quare necesse est alteram præmissarum, seu minorem propositionem, quae sententiam Trinitariorum continet, falsam esse.

12.
Solutio Ca-
tholici.

CATH. Nego maiorem; ad probatio[n]em

nem dico prædictum axioma (licet applicari non debeat rebus divinis, quemadmodum, nec aliud, *Ex nihil nihil fit*,) nihil posse juvare Socinianos. Primo quia valet quidem in iis, que convertuntur ad invicem, at non in iis, que important oppositionem vel relationem. Nam rationale & irrationale idem sunt cum animali, quum gradus, quos dicunt Metaphysicos, sola distinguuntur ratione, & tamen rationale & irrationale, eo quod sunt differentiae oppositæ ejusdem generis, realiter inter se distinguuntur. Cum ergo Divina personæ important vicissim oppositionem, & relationem, quamquam idem sunt cum essentia, non poterunt idem esse inter se. Deinde quotiescumque plura sunt idem secundum essentiam, sed necessario aliquem connotant terminum, non sequitur: Hi termini idem sunt cum essentia, Ergo idem sunt inter se. Etenim actio & passio sunt idem realiter cum motu, & spectata sola motus essentia sunt idem inter se: sed quoniam actio connotat agentem, & passio passum; si actio & passio non essentialiter accipiuntur, sed ratione terminorum quos connotant, debent inter se realem dicere distinctionem. Similiter Paternitas & Filiatio sunt idem cum essentia, & quatenus accipiuntur substantialiter, sunt idem inter se: at cum Paternitas, & Filiatio dicantur ad aliud, & connotent terminum diversum, sumptere personaliter, connotative & relative, realiter distinguuntur, salvo quoque axiome philosophico, quod tamen non cogimur in divinis admittere. Nec ratio est eadem de attributis, quæ sunt eadem inter se, propterea quod cum sint absoluta, non possunt aliqua opposita relatione distingui. Solent autem respondere Theologi dist. ma. Quæ sunt eadem realiter uni alicui incommunicabili, sunt eadem inter se, conc. quæ sunt eadem uni alicui communicabili, nego. Hæc responsio communis est; sed cum remaneat difficultas, quomodo fieri possit, ut tertium aliquod cūmunicetur pluribus, nec tamen hæc plura cūmunicentur sibi invicem; & querantur Sociniani nos petere ubique principium, etiamsi falsum sit; responsionem primam teneto.

13. Socin. Sequitur ex dogmate Trinitatis, quod in Deo simul una, & tres substantiae forent. Unam esse Dei unius substantiam extra controversiam est: tres autem simul esse substantias in Deo inde colligitur; quia tres sunt distinctæ

in eo personæ, id est substantiæ intelligentes.

CATH. Resp. in Deo unicam esse substantiam, quatenus substantiæ nomen significat id, quod per se existit, neque indiget aliquo subiecto vel substantaculo: esse tres substantias, prout nomen substantiæ apud quosdam veteres significat substantiam, scilicet rationem existendi incommunicabilem alteri. Verum hoc nomen *Substantia* jam ab omnibus in priori sensu tantum accipitur. Vide cap. ultimum hujus libri.

SOCIN. Videmus in rebus creatis unus substantiæ intelligentis unam tantum esse personam. Monstretur vel unicum exemplum, sive hominis, sive angelii,

^{solutio}
Objectio 7.
^{Catholici}
^{Socinianus}

qui non sit una persona, sed plures. Cum ergo Deus quoque una sit substantia intelligens, necessario sequitur, eum non tres personas, sed unam tantum personam esse. Hic vero objicitur ab adversariis, aliam esse rationem Dei, & rerum creatarum. Cur vero? Quia, inquit, res creatae sunt finitæ: increata autem Dei essentia est infinita. Verum hæc differentia inter finitum & infinitum nullum habet momentum. Tum enim demum momentum aliquid habitura esset, si persona increata non æque infinita foret, atque essentia, seu substantia, in qua subæstere creditur. Nunc cum aliter res se habeat, eadem ratio hic est finitæ, & infinitæ personæ, manetque tam creatam, quam increatam substantiam non posse esse plures personas. Cur enim finita substantia nonnisi unam personam constitutere potest? nempe quia persona, aut suppositum totam in se substantiam complectitur, nec potest eadem substantia eodem tempore secundum idem bis esse idem; ac porro nec bis esse suppositum, bis persona. At eadem ratio est etiam in Divina substantia. Siquidem persona qualibet Divina totam Divinam substantiam amplectitur, nec partem aliquam sibi tantum decerpit, aut decerpere potest, nisi persona ac suppositum esse desinat. Quare non magis substantia infinita potest plura in se habere supposita, aut personas, quam finita: quia aliqui plures quam semel infinita foret, toties nimis, quot persona sunt. Quo accedit, quod si ideo Divina substantia plures personas contineret, quia infinita est, sequatur etiam infinitas personas esse posse. Nam ob quam causam tres personæ statuuntur esse in una Dei substantia, ob eamdem possunt etiam quindecim, imo centum, quin & infinitæ personæ statui.

CATH.

15.
Solutio Ca-
tholici.

CATH. Resp. unius substantiae non posse quidem esse nisi unam personam ejusdem rationis ac muneris, posse tamen esse personam unam, & alteram, tribuens naturae diversam subsistendi rationem. Nam multis Theologis placet tres simul personas Divinas potuisse assumere eamdem naturam humanam, illamque reddere triplici titulo subsistentem. In quorum sententia non sequitur eamdem substantiam eodem tempore bis esse *idem*, sed tantum multiplici titulo existere, & ad plurimum Personarum jura transferri. Quod cum nostratisibus tenet universa Schola Thomistica, praeunte Angelico tertia P. Q. IIII. art. 6. Scotistae vero, qui opinantur unius naturae creatae unicum tantum posse dari suppositum, docent disparem esse rationem de substantia finita, & infinita; quod in illa personalitas sit merum complementum naturae, in ista non indigentia existentiae, sed perfectio summae fecunditatis. Sed prior sententia, loquendo de personis Divinis in ordine ad naturam creatam, est verior. Duæ autem, aut plures substantiae creatae esse nequeunt in eadem natura, non quod repugnet unam naturam ad plurimum jura pertinere; sed quoniam omnes res creatae discrepant essentia. Quare plures personæ creatæ necessario distinctam arguunt substantiam; neque possunt in uno homine, vel uno angelo diversa adinveniri supposita, nisi multiplex reperiatur natura. Ergo tres personæ Divinæ, quæ non discrepant essentialiter, eamdem poterunt terminare naturam, non quod singula non complectantur totam substantiam, sed quoniam sunt substantialiter indistinctæ. Non decerpit quidem una persona partem Divine naturæ, sed illam terminat sub uno tantum respectu; & cum his respectus sint plures, plures sunt quoque personæ. Petis, cur non sint infinitæ? In primis quia tres tantum proponebit nobis Scriptura. Ulterius quia summum bonum non potest ad intra communicare sese nisi per generationem, & processionem. Etenim non potest esse nisi unus Pater. Unius Patris non potest esse nisi unus Filius consubstantialis, si enim plures sunt Filii, necesse est ut unus non adaequet generationem paternam. En generationis Divinæ unicūs terminus. Tum Pater & Filius per mutuam dilectionem producunt Spiritum Sanctum, quæ dilectione est una & eadem, & cum sit infinita habet unicūm terminum, scilicet ipsum Spiritum. En una duntaxat à Patre, Filioque processio.

Si insurgas: quomodo Filius & Spiritus Sanctus personæ infinitæ sunt, si carent potestate generationis? Quare Spiritus Sanctus & ipse aliam personam non generat? Cur non dantur termini infiniti omnium divinorum attributorum quemadmodum dantur intellectus, & voluntatis? Si, quod excellentius est, plures habet operationes intrinsecas, ut constat de homine in comparatione animalium cæterorum, quare Deus non habet infinitas internas operationes, quibus communicatione naturæ constituantur infinitæ personæ?

16.
Instans.
17.
Solutio.

Resp. Infinitam perfectionem generationis esse etiam in Filio, & Spiritu Sancto, quoniam habent eandem essentiam à generatione indistinctam; non tamen generant, quia id spectat non ad perfectionem substantiae, sed ad proprietatem personæ: Spiritum Sanctum non producere personam aliquam, eo quod oppositio relationis non permittit, ut habeat rationem principi⁹ respectu Divinæ personæ, quia ipse procedit ab aliis Personis, que in Divinis esse possunt; quod clarius exponam agens de numero processionum divinarum: Divina attributa non esse divinarum personarum principia, quia referuntur duntaxat ad creaturas, ut omnipotentia ac providentia; aut ad essentiam, non ad terminum substantiem, ut simplicitas, aeternitas: infinitas: falsum demum esse quod perfectioris substantiae plures sint operationes, cum in angelis pauciores sint operationes, quam in homine, videlicet non est in eis, neque sensuum exercitamentum, neque imaginatio, quia sola spirituali pollut natura: & Deus, qui simplicissimus est, unam habet operationem, quæ est sua substantia, multiplex sola terminorum connotatione.

SOCIN. Primarium fundamentum 18. Trinitatis est distinctio excogitata inter Objectio g. essentiam, & Personas Deitatis. Ve Sociniani. rum arenosum est istud & debile fundamentum. Quod ut clarius patescat, expendamus propriam significationem duarum istarum vocum *Essentia*, & *Personæ*. Essentia rei alicujus est id, quod res est, sive propria rei natura, ex qua constat. In exemplo, id cuius gratia hoc lignum vocatur lignum, est ligni istius essentia. Simili modo essentia Dei altissimi nihil aliud est, quam Divina ejus natura, per quam, & cujus gratia ille Deus est. Persona autem nihil aliud est, quam substantia prima completa intellecti prædicta. Si ergo persona est substantia intelligens, tres per-

personæ erunt tres substantiæ, vel essentiæ. Ad hæc, persona non est pars aut membrum rei ullius, sed est res ipsa perfecta, completa, & per se subsistens, ideoque habet suam propriam singularem essentiam. Quod enim caret propria & peculiari essentia, id vel nihil est, vel pars tantum, vel accidens aliquod alterius rei, ut exempli gratia, manus, aut pes, aut longitudo hominis. Cum ergo Trinitarii affirmant in Deo esse tres distinctas personas, quarum qualibet non partem, sed integrum essentiam habet, revera essentiam Dei multiplicant, & trinam faciunt. Rursus ubicunque multiplicantur subjecta, multiplicantur etiam quæcumque de illis dicuntur; nam quot sunt homines, tot sunt corpora, tot animæ, tot substantiæ, & quot sunt angeli tot sunt spiritus, &c. Igitur multiplicatis personis, debet etiam multiplicari essentia. Corruit ergo fulcrum Trinitatis primarium.

^{19.} Confirmatur, Altera basis Trinitatis est, quod commenti sunt Trinitarii in eadem essentia triplicem modum existendi, ineptum supra quam dici potest effugium. Nam I. Si una res pluribus modis uno tempore existeret, non esset una, sed multæ, tot nimis quod sunt vices, vel modi, quibus existit. II. Commentum hoc tam simile est opinioni Sabellii, quam ovum ovo. Ille enim sensit Deum summum esse unam solummodo personam, quæ se tribus modis revelarit, semel tanquam Patrem, secundo tanquam Filium, tertio tanquam Spiritum Sanctum. III. Deus altissimus propter infinitatem essentiæ suæ unam habet essentiam, ergo unum existendi modum; cum per unum existendi modum haberit possit quidquid ad summam perfectiōnem ejus requiritur.

^{20.} Confirmatur, Tertium doctrinæ de Trinitate fundamentum est περιχώρας, id est, mutua personarum circumcessio, seu immanentia, & unius persona existentia in altera, & vicissim hujus in illa; quomodo vero homo rationalis, qui non fungum pro corde gerit, se ex isto labyrintho expedit? Primum enim difficile intellectu est, quomodo fiat hac mirabilis personarum immanentia. Secundo qui fieri potest, ut tres personæ permixtae sint, & habeant eamdem essentiam, neque inter se confundantur? Tertio si in qualibet Persona est tota Trinitas, erunt tres Trinitates, una in Patre, altera in Filio, tertia in Spiritu Sancto, sive erunt novem personæ

R. P. Berti Theol. Tom. II.

Deitatis: quod si rursus istæ novem personæ sibi mutuo inexistant, tum erunt novies novem, id est octoginta & una. Quarto si quælibet persona est in tota Trinitate, sequitur Patrem esse in Patre, Filium in Filio, &c. quæ locutio quid significet nemo intelligit. Quinto si verum est Spiritum Sanctum apud Jordanem apparuisse, & secundam personam humanam assumpisse natu-ram, cum Pater in cœlo remanserit, necessario persona à se invicem digres-sæ, ac sejunctæ fuerint.

Quartum hujus doctrine stablimentum est duplex acceptio nominis *Dei*, ^{21.} Confirmatur, essentialiter, & personaliter. At hujus distinctionis nec minimum vestigium est in Scripturis. Dein, verbi gratia, si Filius totam habet Divinam essentiam; nulla est ratio, cur nomen Dei, etiam quando Filio tribuitur, non debeat accipi essentialiter. Denique qui nomen Dei audit, statim concipit Creatorem, ac Dominum universorum, & unicum profitetur; creare autem & dominari munus personæ est: & ideo nomen *Deus* significat unam tantum personam, neque alia est mirifica ejusdem nominis distinctio. Fucata ergo verborum spe-cie, & absurditatibus maximis Trini-tatis dogma à Catholicis explicatur.

^{22.} CATH. Nos nequaquam Personam à Solutio Christi substantia secernimus, non enim igno-^{1. caput Ca-}ramus traditam personæ definitionem, tholice Do-^{quod sit rationalis naturæ individua sub-}trinita. Putamus quoque, licet non idem statuant omnes, personam naturæ nullam addere distinctam modificatio-nem aut formam: etiam concedimus unamquæque personam Divinam esse totam substantiam, non partem, alias duæ vel tres simul personæ majores for-vent una, neque essent singula invicem coæquales. At persona, & natura di-stinguuntur connotative, quod hæc di-catur ad seipsum, illa referatur ad aliud. Quare non sequitur, sunt tres personæ, ergo sunt tres substantiæ completæ; sed istud duntaxat, sunt tres personæ, ergo sunt tres ejusdem substantiæ supposita, & connotata. Ratio est, quia essentia significat id quod est; & persona id quod est alteri incommunicabile; unde si in una substantia sint plures propri-tates incommunicabiles alteri, erunt distincta personæ in unitate substan-tiæ. Frustra quæritur in creaturis hujus mysterii exemplum. Scripturis credendum est. Audis Patrem; no-men est relativum, nomenque Per-so-na. Audis Deum; nomen est absolu-tum,

tum, nomenque substantiæ. Audis Deum Patrem; & substantia significatur & ordo ad alium. Hunc tantum ordinem addit supra naturam Persona: neque ulla implicantia est unam indivisibilem substantiam trinam esse in personis; quia unitas ad absolutam naturam attinet, numerus ad relationem. Ad id, quod sequitur, dico unam tantum personam esse totam substantiam, sed non esse omnes terminos, omniaque connotata ejusdem substantiæ, ut monui in resp. ad septimum. Quod opponitur tertio loco verum est, quando multiplicatis subjectis multiplicari possunt quæ dicuntur de singulis; sed Divina natura multiplicari nequit, cum sit infinita & assentialiter una: nec adhiberi debent exempla à subjectis creatis petita.

23.
Solutio
Christiani
quoad 2. Ca-
pit.

Ad argumenta, quibus alterum Caput doctrinæ Catholicæ impetratur, respondeo falsum esse, quod plures modi existendi multiplicent rem existentem, cum multiplicent solummodo naturæ existentis ordinem, & respectum. Non enim diversus est homo dum sedet, & stat, quamquam modus standi & sedendi diversi sint, diversaque ratione contentent locum. Quare autem distincti modi existendi nequeant esse eodem tempore in eadem essentia creata, diximus in resp. ad vii. Ad secundum constat, toto cœlo distare hæresim Sabellianam à doctrina Catholicorum; quippe ex diverso modo, quo persona se se manifestat, non sequitur persona distinctio, ut sequitur ex diverso modo terminandi naturam. Ita E. G. potest eadem persona apparere modo in nube, modo in rubo, & idem Spiritus nunc in columba specie, nunc ignis; quoniam modus iste appellat aut rem creatam, aut locum, non terminat diversa personali proprietate substantiam. Hanc diversam proprietatem negavit Sabellius, & profertur Catholici. Ad tertium dico sequi ex infinitate substantiæ unitatem ejusdem, quia cum substantiæ discrepant invicem aut specie, aut separatione naturæ, importat utraque distinctio limitationem, quæ repugnat substantiæ infinitæ, ut demonstravi lib. i. cap. vi. Mom. iii. At personæ neutrò modo invicem distinguuntur; & consequenter earum distinctio nullam importat imperfectionem. Vide cap. viii. ejusdem libri in Resp. ad 3. Addo personas non habere infinitatem & perfectionem nisi ratione substantiæ; unde dicendum non est, sunt plures personalitates perfectissimæ

& infinitæ, sed, plures personalitates, quæ sunt unica perfectio infinita.

Quæ contra tertium Trinitatem fundamentum opponebantur, ex dictis faciliime solvuntur. τὸν περιχώρον, circummissionem, & immanentiam divi-

24. Solutio
Christiani
quod 3. Ca-
pit.

narum Personarum, in eo sitam dici-
mus, quod ratione unius naturæ ne-
queant invicem abscondi & divelli. Ita-
que ad primum respondemus fieri hanc
circummissionem per inseparabilem
naturæ unitatem, quæ cum ubique sit
tota, separationem non potest recipere
personarum. Ad 2. dicimus personas
non distingui ab essentia, quoniam illi
relative non opponuntur; distingui inter
se, quia referuntur ad invicem. Ad
tertium reponimus unam personam esse
intra aliam, quatenus unum sunt sub-
stantia ac maiestate, non quod proprietas
unius personæ sit proprietas alterius:

& ideo non sunt tres Trinitates, quia non sunt tres substantiæ in quibus tres

hypostases uniantur, sed una eademque

substantia in qualibet proprietate. Ad 4.

dico Patrem esse in Patre & in seipso,

in quantum est sua substantia; & Filium

esse in Patre in quantum nascendo re-
cipit substantiam Patris: quo sensu ultra-

que propositio est vera, Pater est in

seipso, &, Filius est in Patre; quia etiamsi

Paternitas non sit Filietas, utraque

proprietas personalis eadem res est

cum substantia communi. Ad ultimum

satis liquet ex lib. ii. cap. iv. Prop. 2.

Deo convenire imminutatem, neque

Patrem in remotissimo cœlorum recessu

confidere.

Inepte adversus duplē significatiō-
nem hujus nominis *Dei* nugantur Hæ-
retici. Etenim cum sit ex genere eorum
quæ dicuntur concreta, significat pri-
mario naturam, deinde ejus extantiam
in aliqua hypostasi, quomodo hæc vox
bomo directe naturam humanam, & de
secundario individuum, in quo subsistit.
Interdum ergo in Scripturis significat
Divinam substantiam ut consistente in
aliqua definita hypostasi, ut in hac enun-
ciatione Joan. i. *Deus erat Verbum;*
interdum eamdem divinitatem subsistente
in quapiam persona, indefinite &
universè, ut Genes. i. *Creavit Deus*
cælum & terram. Facile est utrumque
dignoscere. Si enim enuncietur aliud
spectans ad munus personæ, debet ac-
cipi Dei nomen pro Persona, veluti si
dicas, *Deus carnem assumpit.* Si quodlibet
pertinens ad naturam, pro natura;
ut in exemplo, *Deus est unus.* Si ali-
quid demum conveniens personæ ratio-
ne naturæ, accipi debet pro natura in

qua-

qualibet persona consistente; ut dum dixeris, *Deus est infinitus, omnipotens, Creator & Dominus univerorum*. Imperite ergo in hisce salebris Sociniani verfantur.

26.
Objec^{tio} 9. Sociniani.

SOCIN. Ex doctrina Trinitatis multa consequuntur absurdia. Sequitur primo, veras esse has duas contradictorias, Deus est genitus, &, Deus non est genitus. Tum eamdem rem communicari, & non communicari, quum Filius habeat communem cum patre naturam, non paternitatem, quæ cum natura res una est. Item sequitur esse simul tres Personas, & unam præcedere aliam, & opera certo ordine distribui inter plures, quorum una est operatio. In has casses incident (inquiunt novi Ebioniti) adoratores Trinitatis.

27.
Solutioⁿ Catholici.

CATH. Nullum absurdum ex fide Catholica derivatur. Non primum, quia si in his propositionibus, Deus est genitus, &, Deus non est genitus, supponat Deus pro diversa persona, nulla est contradictione: si in prima supponat pro filio, in secunda pro omnibus personis indeterminate; non sunt hæc propositiones simul veræ, sed prima vera est, altera falsa. Non sequitur secundum, quoniam Essentia patris communicatur filio, sed non communicatur personaliter, videlicet secundum rationem, quæ constituit personam patris, ut nono libro explicabimus. Non ultimum denique;

sunt enim Divinæ personæ simul trinitate ac natura, sed tamen una haber originem, & procedit ab altera. Opera autem ad extra sunt quidem tribus personis communia, ut habetur Joan. v.

17. *Pater meus usque modo operatur, & ego operor: & Quacunque Pater facit, hoc & filius similiter facit.* At in operibus diversæ rationes sunt distinguendæ: quarum aliqua ad communem pertinent omnipotentiam, aliqua ac personalis proprietatem. In exemplo sit, quando in Jordane vox Patris intonuit, *Hic est filius meus dilectus, &c.* vocis sonum tota Trinitas creavit, sed verborum significatio ad solum Patrem pertinuit. Dominica pariter incarnatione, in quantum est conceptio & productio hominis, etiam à Patre, & Spiritu Sancto peracta est; nam de Patre dicitur: *Quem Pater sanctificavit, & misit in mundum:* & de tertia persona, *Inventus est in utero habens de Spiritu Sancto.* Sed prout Incarnatio est assumptio ac terminatio naturae humanae, est solius Verbi, quia terminare naturam non opus est omnipotentie, sed munus hypostasis. Ita quoque Columbae species, in qua visibiliter Spiritus Sanctus apparuit à tota Trinitate est perfecta, sed conditio Doni est soli Spiritui tribuenda. At de postremo hoc argumento plura S. P. Augustinus lib. 11. de Trinitate cap. v.

C A P U T VII.

Superiores responsiones exemplis ac rationibus illustrantur.

S U M M A R I U M.

1. & 3. per exempla firmatur dari SS. Trinitatis Mysterium.

4. Demonstratur Trinitatem personarum non officere D. Simplicitati.

Exempla &
Rationes re-
sponsionum
Catholici.

PROPOSITA contra Trinitatem argumenta urgentur fere omnia à Woldenogenio Barone Austriaco Sociniano, qui Crelliana sophisnata sub nova quadam larva produxit, postquam adversus Crellium doctissimi viri pugnaverant. Dignus autem videbatur, cui singillatim responderetur, quod omnia Majorum suorum arma tractaverit, idque callida dexteritate: ceteri autem Scriptores ineant ut plurimum cum solo Crelio certamen. His ergo hæreticis concedendum est Trinitatem mystrium esse, quod mentem superat omnium creaturarum. Verum nec desunt in rebus creatis exempla, quibus quodammodo comprobetur.

R. P. Berti Theol. Tom. II.

Tenent primum locum permulta Trinitatis vestigia, quæ in creaturis occurserunt. In his primum fiunt generationes, quæ cum sint perfectiones rerum (est enim perfectio gignere sibi simile) non debet Deo repugnare: unde Isaías inquit, *Qui alios parere facio, ipse non pariam? qui ceteris generationem tribuo, sterilis ero?* Compertum quoque est esse in Deo summam felicitatem & beatitudinem: ad quam requiritur societas, & consortium aliorum: Societas autem hominum vel Angelorum ad Dei beatitudinem conferre nescit, cum summum bonum mutuari non debeat à re creata felicitatem. Idem affirmandum est de perfecta amicitia, qualem in Deo esse